



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ირმისტუნა



ირმისტუნა (*Hydnum repandum*), საჭმელი სოკო - ზღარბასოკოების ოჯახისა. აქვს კარგად განვითარებული ქუდი და ფეხი. ქუდის დიამეტრი 12 სმ აღწევს, თავდაპირველად არის ამობურცული, შემდეგ შუაში ჩაჭყლეთილი, ხავერდოვანი, მოყვითალო, თეთრი ან მოვარდისფრო ხორცისფერი ოქროსფრამდე. ქვედა მხარეს ფეხისკენ მიმართული მყიფე, ვარდისფერი ეკლები აქვს. ფეხი ცილინდრულია, მოკლე (3-5 სმ), ექსცენტრული, თეთრი ან მოყვითალო, ძირში - ღია ჟანგისფერი.

ირმისტუნა

საქართველოში იზრდება ბაფხულიდან პირველ ყინვებამდე, წიწვოვან და ფოთლოვან ტყეებში. უყვარს ხავსიანი ადგილები, კირქვიანი ნიადაგები. საჭმელად ვარგისია ნედლი.

ი. ნახუცრიშვილი

ა. ჯორჯაძე
